



UNKk Angie Motshekga.
uNgqongqoshe weMfundo eyiSesekelo



UMnu Enver Surty.
iSekela loMnyango weMfundo eyiSesekelo

Lezi zincwadi zokusebenzela zenzelwe abantwana baseNingizimu Afrika ngaphansi kwesandla sikaNgqongqoshe weMfundo eyiSesekelo, uNkk Angie Motshekga, neSekela likaNgqongqoshe weMfundo eyiSesekelo, uMnu Enver Surty.

Lezi zincwadi ezibizwa ngeRainbow Workbooks ziyingxenye yoMnyango weMfundo eyiSesekelo lapho uMnyango uzama khona ukungenelela ukuze kuthuthukiswe imfundo yabantwana bamabanga asuka kwelokuqala kuya kwelesithupha eNingizimu Afrika. UMnyango weZimali uxhase lo mkhankaso kaHulumeni njengento yokuqala uHulumeni azibekela yona ukuthi ayisukumele. Uxhaso loMnyango weZimali lusize uMnyango wezeMfundo ukuthi ukwazi ukukhiqiza uphinde usabalalise ngaphandle kwenkokhelo lezi zincwadi zokusebenzela ngazo zonke izilimi zaseNingizimu Afrika ezisemthethweni.

Sinethemba lokuthi othisha bazozithanda basebenze kangcono ngazo lezi zincwadi ekufundiseni kwabo kwansuku zonke, baphinde bathole futhi isiqiniseko sokuthi abafundi babo bafundiswa konke abamelwe ukufundiswa khona njengoba kuvela kusilabhosi yabo. Sizamile ukuqiniseka ukuthi sifaka izithonjana (ama-icon) emisebenzini yokwenziwa ukuze uthisha akuthole kulula ukuyilandela nokuqonda ukuthi umfundi yini alindeleke ukuyenza.

Sinethemba futhi lokuthi abantwana uqobo lwabo bazokujabulela ukusebenzisa lezi zincwadi ekukhuleni kwabo bakhule nolwazi ezilukukethe, bese kuthi wena njengothisha wabo uthokoze kanye nabo ekugcineni.

Sifisela wena nomfundi omfundisayo impumelelo ngenkathi usebenzisa lezi zincwadi.

Ukufunda ngomthetho sisekelo waseNingizimu Afrika (1996)

Umthetho sisekelo waseNingizimu Afrika (1996) uqukethe imithetho ephakeme kunayo yonke yezwe. Lemithetho ingaphezulu kukaMongameli, ingaphezulu kwezinkantolo futhi ingaphezulu kukahulumeni.

Uchaza indlela okufanele abantu baphathane ngayo ezweni labo, nokuthi ayini amalungelo abo nemisebenzi yabo komunye nomunye. Umthetho sisekelo wezwe wenzelwe ukuthi usivikele thina sonke kanye nekusasa lezingane zethu.

Masiyazi imvelaphi yethu.

Masingawaphindi amaphutha enzeka enkathi eyedlule.

Umthetho sisekelo uyasisiza ukuba sibe nesithombe futhi sakhe ikusasa elincono lethu sonke.

Thina, Bantu baseNingizimu Afrika, Siyakukhumbula ukucekelwa phansi kwamalungelo okwenzeka eminyakeni eyadlula; Sibungaza labo abahluphekela ubulungiswa nenkululeko kulo mhlaba wethu; Sihlonipha labo abasebenzele ukwakha nokuthuthukisa izwe lethu; futhi Sikholelwa ekutheni iNingizimu Afrika ingeyabo bonke abahlala kuyo, sibumbene nakuba singefani.

Ngakhoke, ngabameleli bethu esibakhethe ngokukhululeka, samukela lo Mthethosisekelo njengomthetho-nqangi weRiphabhuliki ukuze—

Silungise ukwehlukana kwesikhathi esedlule bese sakha umphakathi owesekelwe yinkolelo yenqubo yentando yeningi, ubulungiswa emphakathini, kanye namalungelo obuntu;

Sibeke isisekelo sokwakha umphakathi oqhuba ngendlela yentando yeningi; futhi ovulekile, lapho uhulumeni wakhelwe phezu kwentando yabantu futhi lapho sonke isakhamuzi sivikelwe ngumthetho ngendlela efanayo;

Sithuthukise izinga lokuphila lazo zonke izakhamuzi futhi sikhulule amakhono omuntu ngamunye; isifuthi

Sakhe iNingizimu Afrika ebumbene futhi eqhuba ngenqubo yentando yeningi ekwazi ukuthatha indawo yayo efanele njengezwe elizimele phakathi komndeneni wamazwe ngamazwe.

Yazisa ilungelo lakho njengesakhamuzi saseNingizimu Afrika nokuzimisela ukuvikela amalungelo abanye.

Yazi Umqulu wamalunge kanye Nomqulu wokudinga ukwenziwa.

Sengathi uNkulunkulu angabavikela abantu bakithi. Nkosi Sikelel' iAfrika. Morena boloka setjhaba sa heso. God seën Suid-Afrika. God bless South Africa. Mudzimu fhatutshedza Afurika. Hosi katekisa Afrika.

Izincwadi zokusebenzela ezikhona kulolu hla lwezincwadi:

- Ulimi Lokuqala Olwengeziwe Amabanga 1 – 3 (Ngezilimi zonke ezisemthethweni)
- Ulimi Lokuqala Olwengeziwe Amabanga 4 – 6 (NgesiNgisi)
- Ulimi lwasekhaya Amabanga 1 – 6 (Ngezilimi zonke ezisemthethweni)
- Izibalo Amabanga 1 – 3 (Ngezilimi zonke ezisemthethweni)
- Izibalo Amabanga 4 – 9 (NgesiNgisi nesiBhunu)
- Amakhono Empilo Amabanga 1 – 3 (Ngezilimi zonke ezisemthethweni)

Ibuyekeziwe –
Ihambisana
ne-CAPS

Ibanga lesi-

3



Amakhono Empilo

ngesiZULU

Incwadi yesi-2
Ithemu 3 & 4



Igama:

Iklasi:

ISBN 978-1-4315-0288-2



9 781431 502882

Rainbow
WORKBOOKS

LIFE SKILLS IN ISIZULU
GRADE 3 – BOOK 2
TERMS 3 & 4

ISBN 978-1-4315-0288-2

THIS BOOK MAY
NOT BE SOLD.



basic education

Department:
Basic Education
REPUBLIC OF SOUTH AFRICA



Isihlalo sabakhubazekile

Ithemu 3 ikhasi

33	Imidlalo engaphephile	2
34	Imidlalo engaphephile	4
35	Amatekisi nezitimela.....	6
	Izimpawu ezisixwayisa ngengozi	7
36	Ukunukubezeka kwemvelo: kuyini?	8
37	Izinhlobo zokunukubezeka kwemvelo	10
38	Imiphumela yokunukubezeka.....	12
	Okunye ukunukubezeka kwemvelo... ..	13
39	Abantu ababephila kudalo	14
40	Abantu ababephila kudalo	16
41	Abantwana kudalo?	18
42	Izinto ezazisetshenziswa	20
43	Okunye ngezinto zakudala	22
44	Ukukhokhela izinto	24
45	Umhlaba uma uwubuka usemkhathini	26
	Amaplanethi nokunye okusemkhathini	27
46	Izinkanzezi	28
	Amatheleskopu	29
47	Ukutshuza emkhathini.....	30
	Amasathelayithi.....	31
48	Izinsuku ezibalulekile.....	32

Ithemu 4 ikhasi

49	Izitshalo zisinikani?.....	34
50	Izitshalo – umoba noshukela.....	36
51	Umhlaba – esikuthola kuwo	38
52	Umhlaba – ubumba nezitini.....	40
53	Izikhukhula nokudinga sikwenze.....	42
54	Umlilo	44
55	Umbani.....	46
56	Isichotho nesivunguvungu	48
57	Ukunyikima komhlaba.....	50
58	Izilwane ezisisizayo: isingeniso	52
59	Izinyosi zisinika ukudla nezingubo	54
60	Izinkukhu zisinika ukudla nezingubo.....	56
61	Izinkomo zisinika ukudla nezingubo.....	58
62	Izimvu zisinika ukudla nezingubo.....	60
63	Izinja ziyasisebenzela	62
64	Izimbongolo ziyasisebenzela	64



Wena ubalulekile. Umzimba wakho wonke ubalulekile.

Umzimba wakho ungowakho!



**AKEKHO
UMUNTU
okufanele athinte
izitho zakho
zangasese.**

**Kufanele kubekhona umuntu omtshelayo
uma kukhona umuntu othinta izitho zakho
zangasese.**

**Kufanele kubekhona umuntu
omtshelayo uma kukhona umuntu
okwenzisa izinto ongazifuni.**

**Lapho ungashayela khona
ucingo uma udinga usizo:**

Child Line: 0800 05 55 55

SAPS Crime Stop: 086 00 10111

SAPS Emergency Number: 10111

Life Line: 0861 322 322

Child Protection Unit: 012 393 2359/2362/2363



Published by the Department of Basic Education
222 Struben Street
Pretoria
South Africa

© Department of Basic Education
Fifth edition 2015


ISBN 978-1-4315-0288-2

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.

This book may not be sold.

Ibanga lesi-

3



Amakhono Empilo
NGESIZULU
Incwadi yesi-2



Le ncwadi ngeka-:

Imidlalo engaphephile

Amasonto 1

Ithemu 3



Masifunde

Umuntu uyakhululeka uma esendaweni ephephile njengaseklasini lakhe. Yizindawo lezi oyaye ufise ukubuyela kuzo ngoba uzizwa uphephile uma ukuzo. Akekho umuntu ongakulimaza uma ulapho.

Indawo ethathwa njengephephile emphakathini yileyo eyenza abantu bonke bakhululeke uma befika kuyo. Wonke umuntu uyazi ukuthi ngeke alimale uma elapho.


“Ukuphepha komphakathi” ngamazwi asho ukuthi wonke umuntu unelungelo lokuhlala ephephile uma esendaweni esetshenziswa wumphakathi njengasezitimeleni, ematekisini kanye nasezindaweni zokubhukuda.



Masikhulume

Buka lezi zithombe bese uxoxa nomngani wakho ngazo.

Xoxa nomngani wakho ngezizathu ezenza kube yingozi ukudlalela ezindaweni ezingaphephile.





Masibhale

Ingane engakwesokudla esithombeni kufanele ikhethe. Yisize ukugcwalisa amabhuma enkulumo.

Hhayi suka, landa ibhola! Wesabani?



Angifuni, uyabona ukuthi ngingahle

Yeyi wena, phuzo kanye nje! Ayikho inkinga. Wesabani?



Ngeke ngikwenze lokho, uyabona ukuthi ngingahle



Masikhulume

Xoxani ngale mibuzo eklasini:

- Zinto zini ezingaba yingozi umuntu angazithola endaweni kadoti?
- Kungani abantwana bethanda ukudlalala emagebedwini?
- Ngubani ongangena engozini uma abantwana bedlalala emgwaqweni ophithizelayo?
- Yiziphi izimpawu ezisixwayisa ngokudlala kujantshi wesitimela?
- Yiziphi izingozi zoketshezi olufana nopharafini?



Masibhale

Khetha isithombe esisodwa ekhasini lesi-2 bese ubhala izimpendulo zale mibuzo.

- Sizama ukuthini kuwena lesi sithombe?

- Ungabona kanjani ukuthi akuphephile ukudlalala lapha? Bhala imisho emibili?



Imidlalo engaphephile

Amasonto 1

Ithemu 3



Masibhale

Buka lezi zithombe.

Khetha esithombeni izihloko ezimbili ozobhala ngazo:

Upharafini ungagqamuka amalangabi esandleni somuntu.

Abantwana bebengafa nokufa uma bephuze ushevu.

Bebengafa abantwana ngoba bebengeke bakwazi ukuphefumula umoya.


Ingane ingabanjwa wugesi.

Ungawusebenzisi ugesi uma useduze kwamanzi.

Amanzi abilayo kanye nomhwamuko kungayishisa ingane.



Isihloko: _____



Isihloko: _____



Isihloko: _____



Isihloko: _____



Isihloko: _____



Isihloko: _____



Masenzi lokhu

Dweba isithombe sakho nabangani bakho nidlala epaki lapho kuphephe khona. Nizodlalani? Cabanga izinto ezinjengokudlala ujika. Sebenzisa ipeni lekoki noma ipensela ukuqala umdwebo wesithombe sakho. Emva kwalokho faka imibala usebenzisa amakhrayoni.



Masiqhubeka

Zifudumeze: Nyakazisa izitho zakho ezahlukene zomzimba ngesikhathi esisodwa. Isibonelo, phenduphendula ngesikhathi sinye izihlakala nedanda noma namahlombe kanye namaqakala.

Okumele ukwenziwa: Ukuvika ukuwa

- Hamba ngamazonzwane bese futhi uhamba ngezithende.
- Khasa/gaqa ngezandla nangamadolo.
- Zama ukuhamba phezu kwentambo uya phambilibese uphinda emuva.
- Zama ukwenza lokhu uvale amehlo.
- Yima ngekhandu, ume ngezandl bese nuhlala isithanga.

Zipholise: Zelule kancane kancane. Uma kuvuma, thola umculo okhalela phansi opholile.



Teacher:

Sign:


Date:

Amatekisi nezitimela



Masenzeni lokhu

Bhala izinombolo ezithombeni ngalokho okwenzeka kuVusi ukutshengisa ukulandelana okufanele.



Kugcwele nje manje!

Yeyi wena, Mama, indawo iningi kabi. Iyela le!



Masikhulume

Buka lezi zithombe zikaVusi futhi bese uxoxa nomngani wakho ngazo.

- Le ngozi yenziwa yiphutha likabani?
- Yini okungabe bayenza oVusi benonina?



Masikhulume

Bheka izithombe ezilandelayo bese uxoxa nomngani wakho ngazo. Yini eyenziwa yilaba abantu engalungile?



Masibhale

Bhala isihloko sesithombe ngasinye usho ukuthi yini ekungafane yenziwe yilaba bagibeli.



Izimpawu ezisixwayisa ngengozi



Masifunde

Izimpawu ezisemigwaqweni nakojantshi zibekelwe ukuvikela thina.

Ezinye zibekelwe ukuthi siphophe. Zisixwayisa ngengozi.

Izimpawu zokuqwashisa emgwaqweni zivame ukuba nomugqa obomvu ozizungezile.

Ezinye izimpawu zisitshela ukuthi kumele siziphathe kanjani uma sisendaweni enezimoto noma zisiphe imidati yolwazi.




Masenzi lokhu

Ukujikijela izinto ngefasitela lesitimela kungalimaza abantu noma izilwane ngenkathi isitimela sidlula kuzo. Yenza uphawu oluxwayisa abantu ukuthi bangajikijeli izinto ngefasitela lesitimela.



Masenzi lokhu

Buka lezi zithombe. Bese usika izimpawu ekhasini lezinto ezisikwayo ngasemuva kule ncwadi uzinamathisele phezu kwezithombe ezifanele.



Khombisa uthisha uma sewuqedile.



Teacher: _____
 Sign: _____
 Date: _____

Ukunukubezeka kwemvelo: kuyini?



Masikhulume

Buka isithombe bese uxoxa nomngani wakho ngaso. Ngabe ikhona ekulesi sithombe owake wayibona ngaphambili? Yiziphi izinto ezisesithombeni ezibukeka zingafanele noma ezimbi kuwe? Kungani zibukeka zingafanele?



Masifunde

Kuyini ukunukubezeka komhlaba?

Ukunukubeza imvelo kulimaza thina nezilwane kanye nezitshalo.

Kuyaguliswa, bese izinto zingakwazi ukukhula, mhlawumbe zife. Phezu kwalokho, ukunukubezeka kwemvelo kwenza izindawo zethu zibe zimbi.

Ukunukubezeka kwemvelo kwenzeka uma singcolisa umhlaba wethu. Sisuke singcolisa umoya, amanzi kanye nenhlabathi. Umoya, amanzi kanye nelanga kusiza ukulwa nokunukubezeka kwemvelo.

Ukunukubezeka kwemvelo kuba kubi uma singcolisa umhlaba ngendlela yokuthi ungakwazi ukuzihlanza wona ngokwawo.





Masenzeni lokhu

Yakhani iqembu labahamba ngabahlanu.

Uthisha wenu uzonika iqembu ngalinye isihloko elizosicwanginga. Amalunga amane eqembu ngalinye azobheka izibonelo zokungcola komhlaba emagcekeni esikole. Ilunga lesihlanu kufanele libhale phansi konke okutholwa yiqembu. Oyedwa kumele enze ithebhula abhale izinto athikhe (✓) ngakunye ezintweni ezilokhu zitholakala. Uma seniwuqekile lo msebenzi, uthisha wenu uzokwenza iqoqa lezinto enizitholile. Impilo ungathi yinhle kangakanani emagcekeni esikole sakho?



Ukhumbule ukugenza izandla uma usugedile



Masibhale

Bhala phansi izinhlobo ezi-5 zikadoti ezitholakele emagcekeni esikole.

1.	
2.	
3.	
4.	
5.	



Yenza uphawu (✓) eduze kwalokho okunakele ohlwini okusenokuvuselelwa. Beka isiphambano (✗) eceleni kwalokho okonakele kulolu luhlu okungaba yingozi ezilwaneni.



Masikhulume

Yakhani amaqembu ayi-7.

Uzolingisa izinto ezahlukene: umhlaba, amanzi, inhlabathi, umoya, isitshalo, isilwane kanye nomuntu. Abalingisi abayisithupha bokuqala kufanele batshele umuntu ngalokho okwenziwa ukungcola komhlaba kubo. Umuntu kufanele aphenandle bonke abalingiswa ngamunye ngamunye. Kufanele nonke nithathe isinqumo sokuthi kufanele kwenziwe ini ngalesi simo. Uma sewuzilungiselele ngokwanele, sewungalingisa uphambi kweklasi lakho.

Teacher: _____
 Sign: _____
 Date: _____



37 Izinhlolo zokunukubezeka kwemvelo

Amasonto 3

IThemu 3



Masifunde

Ukunukubezeka komoya

Uma singcolisa umoya ungangenwa nawushevu. Siwungcolisa ngokushisa amalahle amaningi, udizili, uphethiloli, igesi kanye nezinkuni. Intuthu yalokhu inamagesi angaphephile avame ukukhuphukela emoyeni.

Sivame ukushisa iphethroliyamu, igesi kanye nezinkuni. Izihlahla ziyasiza ukususa igesi elinoshevu emoyeni bese zifaka i-oksijini ehlanzekile emoyeni. Uma sigawula izihlahla eziningi, igesi elinoshevu liqhubeka nokuhlala emoyeni bese kuya i-oksijini encane emoyeni. Phezu kwalokho, siyawulimaza umoya uma sigenca izihlahla eziningi. Izihlahla zinekhono lokwehlisa izinga likashevu emoyeni ngokudedela i-oksijini eningi iye emoyeni. Ukuphefumula umoya ongcolile kwandisa izifo zamaphaphu. Kunamazwe lapha emhlabeni lapho abantu kufanele bagqoke imaskhi ebusweni uma bephumela ngaphandle, ngoba umoya ungcole kakhulu ukuthi bangawuphefumula.



Izimoto, amafemu nezinto ezishiswayo emakhaya yizona zinto ezibanga ukunukubezeka kwemvelo eKapa.



Ukunukubezeka komoya kuphinda kone umoya wonke nje, kanti lo moya uvikele impilo ekhona emhlabeni emisebeni yelanga engaphephile kangako. I-esidi uma iningi emoyeni, iphuma emafemini, ingenza imvula ibe ne-esidi, bese kulimala izitshalo nezakhiwo.

Ukunukubezeka kwenhlabathi

Inhlabathi inukubezeka uma sifaka izinto ezinamakhemikhali eziningi kuyo. Ukunukubezeka kwenhlabathi kwenziwa nayizinto ezilahlwa ngamafemu nezimayini. Udoti ovela emakhaya, ezikoleni, ezibhedlela kanye nasemahhovisi sivame ukuwugqiba enhlabathini. Lokhu kunukubeza inhlabathi. Inhlabathi enukubezekile ivame ukufaka ushevu emanzini le ngaphansi kwayo, bese kulimala ukudla kwabantu kanye nokwezilwane.



Ukunukubezeka kwamanzi

Ukunukubezeka kwamanzi kwenzeka uma amanzi angaphansi kwenhlabathi kanye naphezulu, njengemifula namadamu, kuthola ushevu.

Lokhu kwenzeka uma amafemu ededela amanzi angcolile angene emfuleni. Kwenzeka futhi uma amaphayiphi avela ezindlini zangasese ededela amanzi ayongena emadamini, noma afinyelele emanzini angaphansi kwenhlabathi.

Amanzi anukubezekile abagulisisa kakhulu abantu, izinhlanzi kanye nezinye izilwane. Izitshalo eziseduze nalawo manzi zingafa futhi.



Umsindo onukubezayo

Umsindo unukubeza imvelo njengoba usuka emalolini amakhulu, ekuhutheni kwezimoto kanye namatekisi, imishini yamafemu, umculo ophakeme kanye nezinsimbi ezakha amabhilidi amakhulu. Umsindo omkhulu ungakwenza ukuthi ulahlekelwe yinzwa yokulalela.



Imiphumela yokunukubezeka

Amasonto 4
IThemu 3



Masikhulume

Buka lesi sithombe bese uxoxa nomngani wakho ngaso.



Masibhale

Bangathini laba bantu nezilwane ngokunukubezeka kwemvelo okubangwa wumsindo? Qedela lo musho ebhamuzeni ngalinye lenkulumo ngezansi. Sitshekise futhi isiyingi wenze kube lukhuni ukugaqqa uphume ngaphansi kwayo.
"Ukunukubezeka kwemvelo akulungile, ngi ..."




[Empty speech bubble]



[Empty speech bubble]



[Empty speech bubble]



Masiqhubeke

Tholani into eyindilinga enizodlala ngayo



Wena nomngani wakho shintshanani nihambe kule ndilinga, niqale ngokuhamba kuyo ngezinyawo bese nihamba ngezandla.

Bambani indilinga niyimise ukuze umngane aqaqe aphume kuyo. Shintshanani ngalokhu.

Okunye ukunukubezeka kwemvelo



Masenzi lokhu

Usanda kucwaninga ukunukubezeka kwemvelo esikoleni sakho. Uma kungukuthi udoti awucoshwa esikoleni, kuhle kuqalwe manje ucoshwe. Uthisha wakho uzokunika izikhwama zeplastiki namaglavu okuzivikela.

Yenza iphosta ezogqugquzela abantu ukuthi bavikele imvelo ekunukubezekeni. Sebenzisa izimo zezibalo bese wakha unqenqema oluzungeze iphosta yakho. Xoxela umngani wakho ngokwakhaka kweposter yakhongokusbenzisa izindlela ezilandelayo:

- ukuqhathaniseka kwemibala
- ukuhleleka
- ukuqgama
- ukulinganiseka





Abantu ababephila kudalo



Masikhulume

Izinto esizenzayo kanye nendlela esizenza ngayo ziyashintsha ngokuhamba kwesikhathi.



Xoxa nomngani wakho ngalokho okushintshile. Cabanga ngezinhlobo zomsebenzi ezazenziwa ngabantu abasesithombeni sokuqala, lapho babesebenza khona kanye nezimpahla ababezigqoka. Usola ukuthi babesebenzela kude kangakanani namakhaya? Buka isithombe esikwesokunxele ukhulume ngezinto ezifanayo. Kudla kuni ababekudla? Babeya kanjani emsebenzini?



Masifunde

Kudalo abantu babehlala eduze kwezinto ababezidinga, isibonelo nje, ukudla namanzi kwakuseduze. Namuhla siyazidinga lezo zinto, kodwa ubuchwepheshe bamanje busilethela ukudla, amanzi kanye nogesi.





Masibhale

Usuku:

Nalu uhlelo lwesikhathi ozolusebenzisa ngenkathi ufunda okunye ngabantu ababephila kudalo. Bhala igama lakho nosuku owazalwa ngalo ohlelweni lwakho lwesikhathi.



15 000 wezigidi zeminyaka eyadlula: Kwakheka umhlaba.



2,5 000 wezigidi zeminyaka eyadlula: Izidalwa zokuqala eziqala ukufana nabantu.



100 000 wezigidi zeminyaka eyadlula: Abantu bokuqala



40 000 weminyaka eyadlula: AmaSan

2015 weminyaka eyadlula: Ukuqala kwesikhathi esijwayelekile



1814

Isitimela sokuqala samalahle



1652

Kufika abamhlophe bokuqala eNingizimu Afrika



1200

Ukuvela kweMaphungubwe eLimpopo




1876

Ithelefoni yokuqala



1879

Amalambu kagesi okuqala



1885

Imoto yokuqala yesimanjemanje



1895

Umsakazo wokuqala

1903 Indiza yokuqala



1994

uNelson Mandela uba nguMongameli wokuqala



1975

Kuqala amakhompiyutha



1973

Umakhalekhukhwini wokuqala



1969

Abantu bafika enyangeni

20 ___ Usuku lwakho lokuzalwa

Teacher: _____
Sign: _____
Date: _____



Abantu

ababephila kudalo



Masibhale

Bhala manje amagama kanye nezinsuku zokuzalwa kwabazali bakho nabazali babo kulesi sihlahla namagatsha esizukulwane.

Uthisha wakho uzokucela ukuba ukhulume nabantu abadala ekhaya, noma umeme abantu ebadala emphakathini ukuba bavakashele ikhosi lakho. Yimiphi imibuzo ongathanda ukubabuzayo ngempilo yabo?

Igama likamkhulu:

Usuku azalwa ngalo:

Igama likagogo:

Usuku azalwa ngalo:

Igama likababa:

Usuku azalwa ngalo:

Igama likamama:

Usuku azalwa ngalo:

Igama lami:

Usuku engazalwa ngalo:

Igama likamkhulu:

Usuku azalwa ngalo:

Igama likagogo:

Usuku azalwa ngalo:

Buza abazali bakho imibuzo emi-5 ngawokhokho bakho. Sebenzisa la magama emibuzweni yakho. **Nini, kuphi, ini, ngani, kanjani.**



Masifunde

Usuku:

Uma uthisha engammemanga umuntu, sebenzisa indaba kaMnu Mazeka.

Abafundi basesikoleni edolobheni eliseKaroo eGraaff-Reinet bamema uMnu Joli Mazeka ukuba afike esikoleni sabo bazoxoxa naye. Nansi indaba yakhe:

Ngazalwa mhla ziyisi-7 kuJulayi 1922 epulazini laseGannaslaagte eKaroo. Ubaba wayesebenza epulazini. Umama wayesebenza ekhishini khona epulazini. Njalo ngoLwesihlanu sasiphiwa inyama ngumninipulazi bese siyipheka ngempelasonto ngokuthi sasingenazo izinto zokuyigcina ibanda. Ngaleyo ndlela sasingabi nayo inyama phakathi nesonto. Enye sasiyenza umqwayiba, ikakhulu uma umninipulazi edubule umgankla noma imbabala.

Sasipheka ukudla kwempuphu yombila kanye nobhontshisi owomisiwe – sasikubiza ngomngqushu lokhu. Ubaba wayaye anikwe ufulawa ogaywe waba mahhadlahhadla ugaywa emshinini wokugaya eJansenville. Umama wayebhaka isinkwa asipheke ebhodweni elisindayo alibasele ngamalahle phandle, ngoba sasingenaso isitofu. Kunokudla engangikuthanda ayekwenza: amakhekhe agazingiwe okwakungamakhekhe abhakwe ngomlilo oshisayo. Wona-ke sasiwadla nosulubha wamadolofiya.

Ukudla okunoshukela kwakuba yinhlaka esasiyikha ezihlahleni zikagamthilini kanye nakwezinye ezinameva.



Teacher: _____
Sign: _____
Date: _____

Abantwana kudalo



Masibhale

Bheka zonke izinto ezisesithombeni bese usho ukuthi ezakudala noma ezamanje. Bhala "Eyamanje" (uma kunjalo) noma "Eyakudala" (uma kungeyakudala). Kubhale kulezi zithombe ezingezansi. Faka umbala ebhokisini "lakudala" lezithombe ocabanga ukuthi litshengisa izinto ezithandekayo zakudala. Sebenzisa umbala owuthanda kakhulu.



--	--	--	--



--	--	--	--



Masenzeni lokhu


Yenza ifulemu yesithombe.

Nakhu ozokudinga:

- Amashidi amabili oqwembe olunemibala
- Upende wamanzi oshubile omibalabala
- Izinhlobonhlobo zezinto ezindala ezinokuvuselelwa kabusha, isibonelo itolishi likakotini elidala, ukhokho, uphaphe, nezinhlobonhlobo zezivalo zamabhodlela.

Okumele ukwenziwa nguthisha:
Ziningi izindlela esingazisebenzisa ukugcina izinto zakudala.
Eyokuqala ukuthi sibe nefulemu yesithombe.

1




1. Sika isikwele noma unxande oqwembeni wenze ifulemu yesithombe.

2



2. Penda ingaphansi lalokho ofuna ukukusebenzisa ukwenza amaphethini.

3



3. Hlobisa ifulemu yakho ngokunamathisela uqwembe oluhlotshiswe ngopende.

4



4. Uma ifulemu seyomile, faka isithombe sikagogo wakho nomkhulu bese unika umama noma ubaba kube yisipho.



Masifunde

UMnu Mazeka uvakashela isikole okwesibili.
Uqhubeka nendaba yakhe.

Sasingakwazi ukubona abanye abantu. Ubaba nomama babesebenza kanzima besebenza isikhathi eside. Babevakashela abantu basepulazini kuphela. Noma yiluphi uhambo lwaluhanjwa ngezinyawo. Umninipulazi wayesiboleka inqola yezinkabi uma sizoya lapho kugujwa khona usuku lomuntu lokuzalwa.

Ngangidlala nabantwana babanye abasebenzi basepulazini, sidlale usuku lonke. Sasithanda ukudlala ngamathambo, ubumba, sidlale ngembewu yezihlahla ezinameva, sijikijele amatshe edamini elaliseduze komfula. Udadewethu nabangani bakhe babeye bakhe onodoli ngobumba.

Ngaqala ukuba nezicathulo uma ngifinyelela eminyakeni eyi-12 ubudala – ubaba wazakha ngesikhumba esidala senkomo. Namanje ngisabukhumbula ubuhlungu engangibuzwa ngihlatshwa ngameva ezihlahla ngoba ngangihamba ngingafake zicathulo. Uma kunesithwathwa ngangifudumeza izinyawo ngokuzifaka ebulongweni benkomo obusebusha.



Masikhulume


Xoxa nomngani wakho ngokuthi izingane zaziphila impilo emnandi yini kudala.

Ngabe kwakungcono yini ukuba yingane kudala kunamanje? Kungani usho kanjalo? Cabanga ngezinto zamanje esikwazi ukwenza ngazo ezinye izinto masinya nakangcono.

Masiqhubeka

Yenzani lokhu ngamunye noma ngababili.

- Ukuma ngezandla
- Ukuma ngekhandla
- Ungqimphothwe
- Ukuqhubana sabhala



Teacher:

Sign:

Date:

Izinto ezazisetshenziswa



Masenzeni lokhu


Buka izithombe ezingakwesokunxele samathuluzi ayesetshenziswa kudala. Ohlangothini lwesokudla, dweba uphinde usike izithombe zamathuluzi esiwasebenzisa esikhathini samanje.




Masikhulume



A
Indlu eminyakeni engama-300 edlule



B
Indlu eminyakeni engama-200 edlule



C
Indlu eminyakeni eyi-150 edlule.



D
Indlu yanamuhla

Zishintshe kangakanani izindlu ngokuhamba kweminyaka?
Zishintshiswe yini?
Kwasetshenziswani ukwakha lezi zindlu?
Yiziphi izinto ozithola endlini D ezazingekho endlini A?


Masenzeni lokhu

Usufundile ukuthi izindlu zishintshe futhi zathuthuka kanjani ngokuhamba kweminyaka. ENingizimu Afrika kunezindlu ezihlotshiswe kahle njengezindlu zakwaNdebele. Imihlobiso yazo idumile ngobuhle kanye nangobuchwepheshe bayo. Yenza sengathi ungumuntu wakwaNdebele, unikwe umsebenzi wokuhlobisa izindonga zomuzi ekhaya.

Nakhu ozokudinga:

- iphepha elinemibala
- imvulophi emhlophe
- isikele
- amakhrayoni
- iglu

1. Sika imvulophi wakhe umnyango namafasitela, njengoba ubona esibonelweni.
2. Goba uhlangothi oluvulekayo lwemvulophi ukwenza uphahla.
3. Sebenzisa amaphethini, izimo kanye nemigqa ehambisana nemibala enhlobonhlobo ukuhlobisa indlu yakho.
4. Cela uthisha wakho ukuba akuchazele ukuthi kubaluleke ngani ukusebenzisa izimo namaphethini ejiyometri.
5. Namathisela indlu yakho eshidini lephepha elinombala othile.
6. Sebenzisa izithombe ozithole ephephabhukwini ukuhlobisa indawo ezungezile.



Masiqhubeka



- Yenza sengathi usebenza ukhuni lokwakha indlu. Dudula udonse ngengalo yakho yesandla sokudla bese ushintshela esandleni sobunxele.
- Yima eduze komngani wakho.
- Yenza sengathi uyisihlahla. Yelula ingalo yakho uyise phezulu kwekhanda lakho. Fumbatha isibhakela wenze sengathi ubambe inomfi enamathele esihlahleni. Umngani wakho kufanele azame ukudonsa inomfi ngenkathi wena uyibambile.
- Lingisa ukugibela ibhayisikili. Lala phansi ngomhlane maqondana nomngani wakho. Gobisa amadolo akho bese uqondanisa izinyawo zakho nezomngani wakho. Qala ushove ibhayisikili ngemilenze yakho.

Teacher: _____

Sign: _____

Date: _____

Okunye ngezinto zakudala



Masifunde

Kwase kuwusuku lwesithathu uMnu Mazeka esesikoleni. Indaba yakhe beyingakapheli:

Besinendawo enomlilo oshisa kakhulu lapho kwakushiselelwa khona amathuluzi aphulwe yinhlabathi elukhuni eseduze kwedamu. Kwakuye kwakhiwe insimbi yokugqokisa izinselo zehhashi, noma kwakhiwe amasondo enqola.

Kuthe uma ngineminyaka eyi-10 ubudala, kwafika isomiso esikhulu. Ukudla kwancipha. Sajabula uma kubuya imvula.





Masenzi lokhu

Yakha isiketekete.

Nakhu ozokudinga:

- Iphepha elimhlophe eliyisikwele
- Upende wamanzi omibalabala
- Ibhulashi lokupenda
- Irula, ipensela, isikele
- Iglu

1. Hlobisa iphepha lakho ngemibala eyahlukahlukene.
2. Goqa iphepha lakho libe wuhhafu.
3. Dweba imigqa ehlukeni ngamasentimitha amathathu ephepheni.
4. Sika eceleni komugqa kodwa ungafiki ekugcineni.
5. Goqa iphepha ulivule, bese unamathisela amachopho amabili ndawonye.
6. Sebenzisa umucwi wephepha ukwenza isibambo phezulu.



Masikhulume



Bheka isithombe esitshengisa impilo yasepulazini eminyakeni engama-200 edlule. Yisho ukuthi yini ekujabulisayo, ngabe yizimpahla zokugqoka, amathuluzi noma yizinto zokuthutha? Emva kwalokho xoxela uthisha wakho kanye nabafundi ukuthi benikhuluma ngani ninomngani wakho.



Masibhale

Qondanisa ukukhanya nesithombe esifanele. Bhala ngezansi kwesithombe igama lalapho kuvela khona ukukhanya.

ithoshi





iglobhu



ikhandlela



amalambu



Teacher: _____
 Sign: _____
 Date: _____

Ukukhokhela izinto



Masibhale

Babazikhokhela kanjani izinto abazidingayo abantu? Sebenzisa amanye ala magama ukuqedela indaba yemali engezansi. Sinikeze izinhlamvu zokuqala zamagama ukukusiza.

ukukhokhela

nogwayi

abazokudla

isiliva

ubuhlalu

ewuhlweza

igolide

ukushintshisana

izikhumba

imali

Kudalo, abantu babengayisebenzisi imali ewu- _____ nemali

engamaphepha ukuk- _____ izinto.

Ngalezo zinsuku babesebenzisa ukus- _____ uma bethengiselana.

Uma kwenzeka beba nog- _____ omningi, kodwa bephelelwa

abazo- _____, bebefuna umuntu abazomnika ubu- _____

izinkomo nogwayi. Kamuva abantu baqala ukusebenzisa ig- _____,


nes- _____ uma bethenga izinto. Namuhla sisebenzisa im-

_____ ukukhokhela izinto.



Masiqhubeke

- Beka into eyisiyingi enhlabathini noma udwebe iziyingi phansi.
- Uma uthisha wakho ethi gxuma, gxuma ungene eziyingini ngezinyawo zombili.
- Uma uthisha wakho ethi gxuma, gxuma ungene eziyingini ngonyawo olulodwa.
- Dlala u-abha-sikotshi. Sebenzisa ushoki ukudweba iziyingi phansi.





Masifunde

Nansi indlela uMnu Mazeka aphele ngayo indaba yakhe ngosuku lokugcina enabafundi:

Sengimdala manje, ngithathe umhlalaphansi, ngiseGraaff-Reinet, nginesikhathi sonke sokucabanga ngempilo endala emnandi kodwa elukhuni. Ngifuna ukukhohlwa yizikhathi ezinzima nokho.

Ziguqkile izinto eziningi manje, kunogesi ovela kwa-Eskom, abantu banawomakhalekhukhwini, indlu yasepulazini seyakhiwa kabusha seyifana nendlu yasedolobheni.

Zisenjalo kodwa ezinye izinto: amankankane asakhala kanjalo, asandizela phezulu kwedamu, kunomoya omusha ongangcolile, izingane zisadlala ngamathambo – kodwa sezinezimoto zocingo. Izimvu zisenjalo zikhala kanjalo, njalo ntambama izisebenzi zisathutha ubisi zisuka esibayeni zilusa endlini. Izimpungushe nezimpisi zisabulala izimvu namanje.



Masikhulume

Khulumani eklasini ngezinto enicabanga ukuthi seziguqkile kusukela nazalwa.

Khulumani futhi ngezinto enicabanga ukuthi zisalokhu zinjalo kusukela eminyakeni eminingi eyadlula.



Umhlaba uma uwubuka usemkhathini



Masifunde

Umhlaba uyibhola elikhulu eliyindawo esihlala kuyo. Konke okuseceleni komhlaba sikubiza ngomkhathi. Siqale eminyakeni engama-50 eyedlule ukucwalinga umhlaba sisemkhathini.

Buka isithombe somhlaba wethu ngakwesokudla. Uyakwazi ukubona izwe, ulwandle kanye namafu. Khuluma nomngani wakho ngezingxenywe zesithombe umtshengise izwe, ulwandle kanye namafu.



Umhlaba uma ubukwa uvelelwa emkhathini



Masenzeni lokhu

Sebenzisa ibalazwe ukuthola izindawo ozibona esithombeni. Sebenzisa amakhrayoni ukufaka imibala ehlukehlukehene ezingxenyeni ezahlukehene zomhlaba.



Bhala phansi amagama alezi zingxenywe zezwe.



Masifunde

Umhlaba unengubo ewumoya ewuzungezile. Lokhu sikubiza ngomkhathi. Uyawubona umkhathi esithombeni?

Amaplanethi nokunye okusemkhathini



Masifunde

Umhlaba wembethe ugqinsi lomoya olungamakhilomitha angama-120.

Uma uhamba ibanga elingamakhilomitha angama-120 ushiya umhlaba, ufinyelela emkhathini.

Kulapho sithola khona omakhelwane bomhlaba wethu: eminye imihlaba nezinkanyezi.



Masikhulume

Emkhathini akukho lusuku – kunobusuku kuphela. Xoxa nomngani wakho nisho ukuthi kungani kunjalo.

Omakhelwane abaseduze kwethu emkhathini:

Ilanga: Lishisa kakhulu. Yibhola elakhiwe ngamagesi.

Ngaphakathi kulo linamagesi ashisa ngendlela yokuthi "ayancibilika" anamathelane. Lokhu kubumbana yikhona okusinika ukukhanya, ukufudumala kanye namandla emhlabeni. Ilanga liyinkanyezi efana nezinye kulezi esizibona ebusuku. Ilanga liyinkanyezi ephakathi nomkhathi.


Amaplanethi: Ngamabhola amakhulu angamatshane anoketshezi ngaphakathi – afana nomhlaba. Amaplanethi angaba futhi ngamabhola anamagesi azungeza umhlaba nelanga. Sinamaplanethi ayisi-8 uma sibala nomhlaba.

Amamithiyo: Lezi yizingcezu zamatshe. Uma zithuke zingena emoyeni womhlaba ziyafudumala bese zishisa kakhulu. Lokhu kubanga ukuthi zicwebezele zikhona esibhakabhakeni bese sizibiza "ngezinkanyezi ezitshuzayo". Uma zifinyelela emhlabeni, sizibiza "ngamamithiyo".

Inyanga: Iyabanda, ifana nedwala elifile. Inothuli, ihamba izungeze umhlaba. Iyikota yomhlaba ngobukhulu.

Amakhomethi: Ngamabhola amakhulu ayigesi neqhwa, ahamba amabanga amade emkhathini. Ngesinye isikhathi adlula eduze nelanga.

Masifunde




Ilanga



Amaplanethi



Inyanga



Amamithiyo



Amakhomethi

Teacher:

Sign:

Date:



Masibhale

Umhlaba wethu unawomakhelwane abaningi abamangazayo emkhathini esiwubiza ngesola sistimu. Yimuphi umakhelwane othanda ukufunda okuningi ngaye? Bhala phansi lokho okukhethayo ngezansi. Lokhu okukhethile ukukhethiswe yiziphi izizathu ezimbili?

Iplanethi engiyikhethayo: _____

Izizathu zami ezimbili: _____



Masifunde

Uma sidlula kula maplanethi amancane siyawushiya **umkhathi wethu**. Sesisemkhathini ongaphandle. Nazi izinto ezitholakala kuwona:

Izinkanyezi: Lawa ngamabhola ashisa kakhulu akhiwe ngamagesi afana nawelanga, kodwa akude kakhulu kunathi. Kunezigidigidi zezinkanyezi esingeke size sikwazi ukuzibala nakanye. Zinobukhulu obungafani obuningi – ilanga lethu lona likhulu ngokulingene.

Lo mkhathi oseduze kwethu siwubiza ngeYunivesi.

IYunivesi iyikho konke okudaliwe kepha kuncane esikwaziyo ngayo.

Ngabe ucabanga ukuthi zikhona yini ezinye izindawo ezifana nomhlaba wethu kwiyunivesi, lapho kunempilo khona?



Masenze

- Lalela iculo lesizwe LaseNingizimu Afrika elizodlalwa uthisha.
- Wena neqembu lakho qambani umdanso eningawudansela leli culo.
- Egenjini lenu, qambani Iculo lohlobo "Iwe Rap" bese nilicula eklasini lenu.

Masidlale

- Uthisha wenu uzokwehlukana iklasi lenu amaqembu amabili. Dlalani ibhola leziyayo labancane.




Amatheleskophu



Masifunde

Yenza lo msebenzi ekhaya, uwenze kusebusuku, kungenamafu futhi esibhakabhakeni. Sebenzisa leli balazwe uzame ukuthola amaqoqo ezinkanyezi kulo. Beka uphawu (✓) ebalazweni elingezansi eduze kwazo zonke izinkanyezi ozibonayo.



Masifunde

Abantu abatadisha umkhathi babizwa ngama-astronoma. Basebenzisa amatheleskophu ukutadisha izinkanyezi. Eminyakeni ezayo kunesiteshi esikhulu somsakazo esizokwakhiwa eduze kwaseCarnavon, eNorthern Cape. Namuhla sinetheleskophu ebona kude emkhathini, ekwazi ukusithumelela izithombe zezingxeny zomkhathi esingakwazi ukuzibona uma silapha emhlabeni wethu. Le theleskophu ibizwa ngeHubble telescope, ithumela izithombe ezinhle ezithatha emkhathini. INingizimu Afrika yazakhela eyayo itheleskophu enkulu eyakhiwe eduze kwaseSutherland eNorthern Cape.



Inyanga uma uyibuka ngetheleskophu

Teacher: _____
 Sign: _____
 Date: _____

Ukutshuza emkhathini



Masifunde

La magama angezansi ngawabantu abaqale okuthile ngokuya emkhathini.



Owomdabu waseRussia owaziwa ngelikaYuri Gagarin, ngumuntu wokuqala ozungeze umhlaba wethu ngomkhumbimkhathi (12 Mbasa 1961)



UNeil Armstrong waseMelika yena waba ngumuntu wokuqala ukubeka unyawo lwakhe enyangeni (20 Ntulikazi 1969).



UMark Shuttleworth waba ngowokuqala eNingizimu Afrika ukuzungeza umhlaba (Mbasa 2002).



UChrista McAuliffe waba nguthisha wokuqala ukuba ngusosayensi wezinkanyezi, kodwa wafa kabuhlungu ngenkathi umkhumbimkhathi, iChallenger, uqhuma (28 Masingana 1986).

Ubuwazi nje? Ukuthi uMandla Maseko waseSoshanguve eGauteng, uzokuba ngowomdabu wokuqala waseNingizimu Afrika ukuvakashela emkhathini ngomkhumbi mkhathi uLynx II Shuttle ngonyaka ka2015.



Masikhulume


Xoxa nomngani wakho ngeplanethi ofisa ukuyivakashela.

Ungafinyelela kanjani kuleyo planethi?

Ngubani ongahamba naye, niphetheni?

Ufisa ukuhlala isikhathi esingakanani

kuleyo planethi?



Amasathelayithi



Masifunde

Uthi bewazi ukuthi inyanga ihamba izungeze umhlaba? Into ehamba izungeze okuthile emkhathini ibizwa ngeSathelayithi (Satellite), ngakho-ke inyanga iyisathelayithi emhlabeni wethu.


Indlela yesathelayithi ibizwa ngokuthi yi-Obhithi. Kuningi-ke okuzishaya

samasathelayithi okuthunyelwe emkhathini ngabantu basemhlabeni wethu.

Okokuqala okuzishaya sasathelayithi kwathunyelwa emkhathini ngonyaka we-1957.

Itheleskopu iHubble ingenye yamasathelayithi. INyuvesi yaseStellenbosch iyona eyakha isathelayithi lokuqala eNingizimu Afrika elibizwa ngokuthi nguSunSat.

Lahlonywa ngoNhlolanja we-1999. Kunezinhlobonhlobo zamasathelayithi. Ezinye izinhlobo zihlanganisa ulwazi ngomkhathi, ezinye zihlanganisa ulwazi ngesimo sezulu, kanti ezinye ngezokuxhumana ezithumela izithombe nolwazi kusuka emhlabeni kuya kuya kweminye. Isathelayithi elikhulu kunawo wonke liyisiteshi somhlaba wonke, lapho ososayensi benza khona ucwaningo.



Masikhulume

Xoxa ngale mibuzo nomngani wakho. Emva kwalokho tshela uthisha neklasi ukuthi ucabangani.

- Izimoto eziningi zinamasathelayithi ananyathiselwa ezimotweni ukuze zingantshontshwa. Ngabe lokhu kusebenza kanjani?
- Ucabanga ukuthi lwazi luni olutholwa ngabalimi kumasathelayithi?
- Zikhona izindlela ezintsha ongazicabanga angasetshenziswa ngazo amasathelayithi?



Masiqhubeke
UThisha wakho uzokufundisa ukudlala iVolleyball kanye nomdlalo wekati negundwane.



Izinsuku ezibalulekile

Masifunde

Ezinye zalezi zinsuku zenkolo ziba sezinyangeni ezahlukehukene zonyaka. Thola iminingwane yokuthi le midlalo izokuba kuphi kulonyaka bese ugcalisa izinsuku zawo esikhaleni esinikeziwe.

Amanothi kathisha:

Okumele ukwenziwa nguthisha: Izinsuku zenkolo kanye nezinye ezibalulekile zidinga ukufundwa ngethemu yesithathu. Kumele usebenzise amahora amathathu ngethemu ukukhuluma ngalezi zinsuku. Lokho enizokwenza kuyoya nokuthi iklasi linabantwana bajiphi inkolo. Kumele niphinde nilandele inqubomgomo yesikole. Kunamahlidi amabili ahlonishwa yiyo bonke abantu baseNingizimu Afrika.

21 Ntulikazi: (kuya nokuthi inyanga entsha seyibonakele yini) kuqala inyanga yeRamadaan ngalolu suku – wusuku lwama-Islam. IRamadaan yisikhathi sokuzila ukudla, kukhulekwe kufundwe iQur'an. Usuku:

19 Ncwaba: (kuya nokuthi inyanga entsha seyibonakele yini futhi): I-Eid-ul-Fitr – umkhosi wama-Islam. Wumgubho othandekayo kodwa ojulile wokuzila ukudla inyanga yonke ogujwa uma iphela inyanga. Kudunyiswa uNkulunkulu kunakekelwe abampofu nabangane kuvakashelwe imindeni. Usuku:

NgoNtulikazi noma ngoNcwaba: IRaksha Bandhan – ngumkhosi wamaHindu. AmaHindu agubha ubuhlobo bamantombazane nabafana. Intombazane ibopha umfowabo into okuthiwa yi-rakhi (intambo engcwele) esihlakaleni ukukhombisa uthando nomkhuleko ovela kudadewabo, umfowabo ethembise ukuvikela udadewabo impilo yakhe yonke.

Usuku:

NgoNcwaba noma ngoMandulo: IKrishna Janmashtami – yifestivali yamaHindu. Kugujwa ukuzalwa kukaKrishna Janmashtami ngokuzila ukudla. UKrishna ubalulekile enkolweni yamaHindu. Ngalolu suku abantwana bayaye badlale izinto ezenzeka empilweni kaKrishna.

Usuku:

NgoMandulo: IPitr Paksha – wusuku lwamaHindu. AmaHindu ahlonipha amadlozi awo abizwa ngawo "pitrs" ngokunikela ngokudla. Usuku:



NgoNtulikazi nangoNcwaba: Wusuku lweTisha B'av – ezinsukwini zenkolo yamaJuda. Kuzilwa ukudla kulilelwe ukudilizwa kweThempeli Okokuqala noKwesibili eJerusalema, bese kuhlonishwa izinto ezehlakalela amaJuda ngalolu suku. Lolu suku lubizwa “ngosuku losizi olukhulu emlandweni wamaJuda”.

Usuku:

NgoMandulo: IRosh Hashanah – usuku lwamaJuda nenkolo yawo. IRosh Hashanah wuNcibijane wamaJuda. Kudlalwa i-shofar kudliwe ukudla okuwuphawu olubalulekile njengama-aphula acwilwe ojwini ngokwethemba ukuthi abawadlile bazoba nempilo efana noju onyakeni omusha.

Usuku:

NgoMandulo nangoMfumfu: IYom Kippur – usuku lwamaJuda nenkolo yawo. Wusuku olungcwele kakhulu kumaJuda lolu oluza ezinsukwini eziyi-10 emva kweRosh Hashanah. Lubizwa futhi nge “Day of Atonement”. Usuku:



9 Ncwaba: USuku lwaMakhosikazi KuZwelonke – yiHolidi Lomphakathi. Ngomhla ziiyi-9 kuNcwaba 1956, 20 000 wamakhosikazi abhikisha aya e-Union Building ePitoli ebhikishela “udompasi” wabantu abamnyama. Iqhaza elabanjwa ngabesifazane eNingizimu Afrika yilo eligujwa ngalolu suku.

1–7 Mandulo: ISonto leNational Arbor. Wonke umuntu uyagqugquzelwa ukuthi atshale isihlahla.

8 Mandulo: Usuku lokuFunda eMhlabeni. Lolu suku lubalula ukubaluleka kokuthi abantu bafunde.

24 Mandulo: USuku lwaMagugu – YiHolidi loMphakathi. Bonke abantu baseNingizimu Afrika bayalugubha lolu suku ngokwamasiko abo ahlukahlukene.



Teacher:

Sign:

Date:

Izitshalo zisinikani?

Amasonto / IThemu



Masifunde

Umhlaba uphuphuma izinto eziphila kuwo. Kunezilwane, abantu, izimvu kanye nezinyoni, nezitshalo ezifana nommbila, izihlahla, iminyezane, ifangi kanye namaselesele.




Izitshalo zivame ukuba namagatsha, amakhasi, iziqu kanye nezimpande. Ziba nezimbali, izithelo nembewu. Eziningi zazo zinamakhasi aluhlaza.



Masikhulume Kuvelaphi ukudla kwethu?

Sewufundile ukuthi ukudla kwethu kuvelaphi. Zama ukuthola ukuthi yikuphi okukhumbulayo.

Bheka izithombe bese uxoa nomngani wakho ngazo. Ekhasini elilandelayo kunohlu lokudla. Okubili kwakho akuphumi ezintweni ezisesithombeni. Yikuphi lokho okubili?





Masifunde

Izitshalo zisipha izinhlobo eziningi zokudla. Yonke imifino, izithelo nokusanhlamvu kuvela ezitshalweni. Zisisiza ukuhlala siphila ngoba zinamavithamini, amaminerali, amaphroteni, amakhabhohayidrethi, uwoyela nefayibha. Ngisho ishokoledi ivela ezitshalweni ezisanhlamvu.



Masibhale

Bhala incwadi uyibhekise kulowo ovame ukukwenzela ukudla. Sebenzisa amagama avela ohlwini olusencwadini yakho:

impuphu iphalishi ithanga izambane ibhotela lamantongomane
isinkwa ikhekhe uletisi isaladi amapetshisi ama-aphula ikhabe

_____ othandekayo

Ngiyabonga _____

Ngithanda ukudla _____

Angithandi ukudla _____

ngoba _____.

Uzokwazi yini ukungenzela _____.

Ukudla okuvela ezitshalweni kuhle ngoba _____.



Masikhulume

Buka lezi zithombe ukhulume nomngani ngokwakheka kwezitshalo.

1



2



3



4



Teacher: _____

Sign: _____

Date: _____

Izitshalo – umoba noshukela

Amasonto /

IThemu &



Masifunde

Ushukela uwukudla esikudingayo ukuze sikhale siphilile. Kunezinhlobo ezahlukahlukene zikashukela esizithola ezithelweni. Isithombe esingemuva ngezansi sikhombisa amasimu amakhulu omoba KwaZulu-Natali.



Masifunde

Umoba yisitshalo eside esibukeka njengoqalo.

Ukhula kahle esimeni sezulu esingasolwandle. Umoba udinga ilanga eliningi nemvula. ENingizimu Afrika, esifundazweni iKwaZulu-Natali kunalolu hlobo lwesimo sezulu lapho umoba ukhula khona kahle.



Masenze lokhu

1. Bheka izithombe bezinsimbi zomculo uthisha wakho azokuhombisa zona.
2. Lalela izitayela ezahlukahlukene zaseNingizimu Afrika uthisha wakho azozidlala. Chaza okulandelayo:
 - Isigqi samaculo
 - Ingabe siyashesha noma siyanensa
 - Ukwenyuka komculo
 - Umculo ukwenza uzizwe kanjani
 - Yiziphi izinsimbi zomculo ongazihlonza




Masiqhubeke

Qeda isifundo somdlalo wenselelo owakhiwe nguthisha wakho. Uthisha wakho uzokuhombisa ukuthi ungawugijima kanjani umdlalo wokugijima ngemilenze emithathu.

Buka lesi sithombe somoba. Qaphela lezi zingxenye zesitshalo:

Isiqu eside esinombala wegolide; amakhasi amancane amade; isiqu esinamalunga; izimpande eziyisixha ezingaphansi enhlabathini.

Umoba uthatha izinyanga eziyi-14 kuya kwezingama-24 ukhula ngaphambi kokuthi ulungele ukuvunwa. Isiqu sawo sinoshukela ongafani uma usesesiqwini nalo esiwusebenzisa emakhaya!



Masibhale

Nikeza lezi zithombe izinombolo ukuze zilandelane zikhombise ukuthi ushukela ukhiqizwa kanjani.



Amasimu alinywa ngawogandaganda.




Esigayweni umoba ukhanywa eziqwini ukhishwe uju. Ushukela uyahlanzwa ulungele ukuthi siwuthenge.




Umoba uyavunwa uboshwe izinyanda.

Umoba uyaniselwa.



Kutshalwa iziqu uma kutshalwa umoba.



Umoba uyathuthwa usiwa esigayweni.



Umoba uyafika esigayweni.



Umhlaba – esikuthola kuwo



Masifunde

Ethemini edlule ufunde ngomhlaba.
Uyiplanethi esihlala kuyo.

Umhlaba usinika eziningi izinto
kwesizidingayo.

Umhlaba wembozwe wumoya. Lo moya
une-oksijini esiyidingayo ukuze siphile.

Umhlaba unengxenye okuyiyo esihlala kuyo
eyinhlabathi esiyibiza “ngoqweqwe” lomhlabathi ophezulu
esitshala kulo ngoba lunokudla kwezitshalo. Inhlabathi lena inezinye izingxenye
eziyitshe, izintaba. Enhlabathini sithola igolide, idayimane, iphetroliyamu kanye
namalahle.

Phezu kwalolu qweqwe kunezilwandle. Olwandle sithola izilwane ezifana nezinhlanzi.
Lubalulekile futhi ulwandle ngoba kulo kuhamba imikhumbi ethwala impahla nabantu.



Masenzi lokhu

Sebenzisa ulwazi olungenhla ukudweba isithombe somhlaba.
Sebenzisa noma luhlobo luni lokubhala – ungabhala ngepensela,
ngamakhrayoni, ngoyinki kanye nangopende. Cabanga futhi izinto
ongazisebenzisa ezifana nephepha, izinkinobho, amagobolondo,
amakhasi omile kanye nezimbali. Ungasebenzisa nezinto ongakaze
uzisebenzise nakanye, ezintsha nje empilweni yakho.





Masikhulume

Sewufundile ukuthi ukudla kuvelaphi. Ninomngani wakho fakani uphawu (✓) ekudleni kokulandelayo okuphuma enhlabathini ngqo:

ama-aphula	
ubhekeni	
ushizi	
inyama yemvu	
amaqanda	
isikwashi	
amasi	
imifino	
amawolintshi	
amapetshisi	
uphisi	



Dweba umugqa usuke egameni uye esithombeni esifanele. Yini ongayisho ngohlu lwakho?

Masiqhubeka

- Yakha amagwebu ebhakedeni lamanzi.
- Faka ikhanda lakho emanzini imizuzwana emi -3 ngenkathi ubambe umoya, Vula amakhala namehlo akho.

Yenza sengathi uyabhukuda

- Lala ngomhlane bese ukhahlela izinyawo
- Lala ngesisu bese ukhahlela izinyawo
- Yima ngezinyawo bese ushwiba izandla sengathi ubhukuda ngomhlane
- Manje shwiba izandla kube segathi ubhukuda ngesifuba.



Masibhale

Bhala ipharagrafu uyibhekise emhlabeni uwubonge ngezinto okupha zona. Bhala umusho owodwa uwethembise ukuthi uzowunakekela.

Mhlaba othandekayo
 Ngiyakubonga _____

Ngiyethembisa ukuthi _____



Teacher: _____
 Sign: _____
 Date: _____

Umhlaba – ubumba nezitini



Masifunde

Umhlaba unezinhlobo eziningi zenhlabathi. Kukhona ewubumba. Eminyakeni eyizinkulungwane abantu basebenzisa inhlabathi ewubumba ukwakha izitini abakha ngazo imizi.



Masenzi lokhu

Dweba izinto ezimbili ezakhiwa ngezitini.



Masibhale Phendula le mibuzo.

Kungani izitini zingafani ngombala?

Kungabe izitini zakhiwa ngobumba kuphela?





Masibhale

Nikeza lezi zithombe izinombolo ezilandelana ngokufanele ukukhombisa ukuthi sizakha kanjani izitini.

Usuku:

Ubumba luyambiwa.



Ubumba luyagaywa luhlanganiswe kahle namanzi.




Umshini usika imicwi yomxube wobumba.

Kusetshenziswa umshini ukusika ubumba lube ngamabhulokhi.



Izitini esezomile zibhakwa endaweni yokubhaka. Ubumba olungamabhulokhi luyomiswa.

Ziyahlungwa zihlelwe kahle izitini ngenkathi zisuswa ekubhakweni.



Izitini zibekwa esinye phezulu kwesinye zilungiselelwa ukuthengiswa.

Nikeza le misho izinombolo ukuze ilandelane kahle ikhombise ukuthi sizakha kanjani izitini.

1	Ziyahlungwa zihlelwe kahle izitini ngenkathi zisuswa ekubhakweni.
2	Ubumba luyagaywa luhlanganiswe kahle namanzi.
3	Kusetshenziswa umshini ukusika ubumba lube ngamabhulokhi.
4	Ubumba lumbiwa ngemishini.
5	Izitini zibekwa ngendlela efanele zilungiselelwa ukuthengiswa.
6	Izitini esezomile zisendaweni yokubhaka ziyabhakwa.
7	Kunomshini olusikayo ubumba oluhlanganisiwe.
8	Ubumba olungamabhulokhi luyomiswa.



Izikhukhula nokudinga sikwenze



Masifunde

Izinhlekelele

Inhlekelele yinto emane yenzeke enomthelela ongemuhle kubantu nakwindalo. Inhlekelele ingadala ukufa kwabantu abaningi nomonakalo omkhulu.

Izinhlekelele eziningi zidalwa yimvelo njengomoya nemvula. Singenza isibonelo ngezikhukhula eziza ngemuva kwezimvula ezinkulu.

Nabantu bayakwazi ukudala inhlekelele. Isibonelo, ukushiya ikhandlela livutha ubusuku bonke kungaholela emlilweni omkhulu.



Masikhulume


Buka lezi zithombe uxoxe nomngani wakho ngazo.

Esithombeni ngasinye yisho ukuthi kungani okwenzekayo ufanele ukukubiza ngenhlekelele.

Yibhale phansi imibono yakho.

Uthisha wakho uzobhala uhlu lwezimpendulo zenu nonke ebhodini.

Khuluma ngalokho okubona esithombeni. Shono ukuthi luhlobo luni lwenhlekelele etshengiswa esithombeni.





Masifunde

Funda udaba lwehlekelele yezikhukhula kuleli phephandaba. Zifundele uwedwa kuqala. Fundani ipharagrafu ngamunye ngamunye ninomngani wakho niphimisele. Shintshanani ngokufunda. Uma ufunde ipharagrafu, umngani akafunde enye.

Izikhukhula zenza umonakalo

ESchmidtsburg

ngoMgqibelo

14 Masingana 2011

Kufe abantu abayi-14, kwatakulwa abangama-45 behliswa ezihlahleni nasophahleni enyakatho yedolobha laseCape Town.

Le nhlekelele yenzeke emva kwemvula enkulu ene ngoLwesihlanu. Line kakhulu kunendlela abantu abebelindele ngayo.

Bekuyisichotho esikhulu kunazo zonke kusukela ngowe-1985. Kufe abantu ababili ngenkathi bezama ukuwela ebhulohweni lapho izimoto zabo ziye zemuka khona.

Amaphoyisa, abacishimlilo kanye nabezempi basebenze kanzima betakula abantu. Amaphoyisa asazama ukuthola izihlobo zabatholakele namanje.

Banngi abalahlekelwe yikho konke abanakho emakhaya abo. Izindlu ezisezindaweni eziphansi eduze nemifula zihlangabezane nomonakalo omkhulu.

Abanye kwabathintekile bekuyilabo



abangazange bathobele izexwayiso zamaphoyisa.

Iningi kalinakudla kalinazingubo. Bonke bahlezi emasontweni nasemahholo noma nabangani nemindeni eminye yabo.

Kuzothatha izinyanga eziyisithupha ukulungisa umonakalo. IMeya yendawo icele bonke abantu ukuthi babambisane.



Masibhale

Phinda ulufunde udaba ephephandabeni. Sewungaphendula le mibuzo.

Yenzeke kusiphi isifundazwe inhlekelele?

Iqale nini imvula?

Ngabe livamile izulu ukuna kuleli dolobha?

Kungani abantu abanngi bengenakho ukudla?

Teacher:

Sign:

Date:

Umlilo

Masifunde

Umlilo uba khona uma kuhlanguka izinto ezintathu, okuyilezi:

- into ebamba umlilo, kungaba wukhuni olomile
- ukushisa okungaba yilangabi elivela kumentshiso
- igesi ebizwa nge-oksijini esemoyeni

Zonke lezi zinto ezintathu kufanele zibekhona ngesikhathi esisodwa. Uthi bewazi ukuthi umlilo ngeke uqhubeke nokuvutha uma ungekho umoya ohlanzekile one-oksijini?



Masibhale

Uthisha wakho uzokhanyisa ikhandlela bese ebeka ingilazi engenalutho phezulu kwalo. Bhaka ukuthi kuzokwenzekani.



Kwenzeka kanjani lokhu? Bhala umusho owodwa encwadini yakho yokubhalela.



Masikhulume

Wena nomngani wakho tholani izimpendulo zale mibuzo:

- Kungani ilangabi licishile ekhandleleni?
- Kuzofanela ukuthi wazi impendulo yalo mbuzo uma kufanele wenze umlilo. Kungani?

Uthisha wakho uzolalela zonke izimpendulo asho ukuthi yiziphi ezinhle kakhulu.



Masikhulume

Khulumani eklasini ngezinto ezishayo uma kunomlilo. Khulumani futhi ngezitholakala ekhaya kulezi ezishayo. Yimuphi umyalezo eniwuthola kule nkulumo eningawuyisa emakhaya mayelana nokuphepha emlilweni?



Masibhale

Bhala phansi izimpendulo esikhaleni esivulekile kuleli thebhula:

Izinto esizithola emlilweni



Esikwenzelwa wumlilo:	Indlela esingakusebenzisa ngayo:
Ukushisa	Impendulo yakho:
Ukukhanya	Impendulo yakho:



Masifunde

Nikeza uthisha wakho incwadi ophendulele kuyo abone izimpendulo.

Imililo ingalimaza ibulale izinto eziningi.

Imililo yasesigangeni mihle ngesinye isikhathi, ngoba isiza izitshalo ukuthi zikhule. Kodwa emibi yileyo elimaza izitshalo nezilwane. Ivama ukuholela ekugugulekeni kwenhlabathi kanye nasekunukubezekeni komoya.



Kubuhlungu ukwazi ukuthi ngabantu abanganaki laba abashisa imililo abavame ukuba yi-9 kwabayi-10 (abangaphezulu kwama-90%).



Sonke sidinga ukufunda ukuthi singayivimbela kanjani nokuthi singenzani uma kunemililo eyingozi. Ngozi yini engavelela umfana okwesokudla?

Wenzeni engafanele?

Masenze lokhu

- Sika izithombe zabantu emaphepha bhukwini.
- Yakha isithombe se kholaji lapho izitho zemizimba yabantu zidluladlulana.

Teacher: _____
 Sign: _____
 Date: _____

Ngesinye isikhathi uma uthinta into eyinsimbi njengesivalo, ungezwa umsinjwana kanye nokubanjwa wugesi kancane. Kungenxa kagesi owakheka emzimbeni wakho bese udlulela entweni eyinsimbi uma uyithinta.



Imibani esiyibona uma kuduma izulu iyingozi ngokufanayo. Kwakheka ugesi emafini, bese udlulela kwelinye ifu (buka isithombe ngenhla) noma udlulele emhlabeni (buka isithombe kwesobunxele).

Ukuduma okuzwa emva kombani umsindo ofana nalo owuzwa uma uthinta insimbi bese kudlula ugesi osemzimbeni wakho. Owezulu mkhulu. Minyaka yonke kunabantu abangama-30 ababulawa wumbani eNingizimu Afrika.



Nansi imithetho emithathu yokuzibeka ethubeni lokuphepha uma kuduma izulu.

Uma utholwa yisichotho esinokuduma kwezulu khumbula lokhu:

- Ungalingi ucashe ngaphansi kwesihlahla noma eduze kocingo olubiyile.
- Ungacashi emgedeni.
- Uma usemfuleni, edamini noma edamini lokubhukuda, phuma masishane uma ukwazi!



Masikhulume

Xoxa nomngani wakho ngesithombe. Yisho ukuthi kuyingozi ukuba kulezi zinto ezibaliwe uma kuduma izulu.



Masenzi lokhu

Phinda ubhekisise imithetho emithathu yokuphepha uma kuduma izulu. Khetha owodwa.

Yenza iphosta etshela abantu ukuthi bangaphepha kanjani kulokho uma kuduma izulu.

Iphosta yakho kumele:

- ibe namagama
- ibe nemihlobiso okungenani emibili
- kuzwakale kalula okushoyo



Masiqhubeka



- Lingisela ngomzimba wakho izinhlobo zombani ezisesithombeni. Yima kanjalo imizuzwana eyi-10.
- Guquka ulingisele olunye uhlobo lombani, ume kulo imizuzwana engama-20. Yima ubhekane ubuso nobuso nomngani wakho, yena uzobe eguquka kancane kancane elingisa izinhlobo zemibani. Yenza akwenzayo kube sengathi umi esibukweni.
- Zimele wedwa futhi.
- Nyakazisani imizimba yenu masingya kube sengathi niyimibani vele. Ziphindaphindeni lezi zinto enizenzayo.



Masikhulume

Manje zithokozise ngomdlalo webhola lomphebezo, uphebeze ibhola isandla sivulekile uphinde uliphebeze isandla sivalekile.

Kungabe kuphephile ukuba semotweni uma liduma izulu? Xoxa nomngani wakho ngalokhu.

Ucabanga ukuthi izulu liyashaya kabili endaweni eyodwa?

Xoxani ngale mibuzo eklasini.



Teacher:

Sign:

Date:



Isichotho nesivunguvungu

Amasonto 4

IThemu 4



Masifunde

Funda indaba kaMesi nesichotho esesabekayo.

Ngakubona okukhulu!

Kwahlangana amafu ayethusa athatha usuku lonke ebumbana. Ubaba ngambona elalela izindaba emsakazweni. Sezwa ukuthi kuzoba nomoya omkhulu nemvula enkulu. Kwafika amaphoyisa ezosifundisa ukuthi kumele senzeni uma kufika isichotho esikhulu.

Ubaba wathatha isikhwama seplastiki wafaka ithoshi lakhe, umsakazo omncane kanye namaphepha akhe. Umama wapakisha izingubo ezanele izinsuku ezimbili, wazipakisha esikhwameni. Ugogo wafaka amaphilisi akhe esikhwameni esincane, wayesesilengisa esihlakaleni. Saphatha amanzi enele ngamabhodlela.

UBaba wasika igatsha elikhulu lesihlahla ebelilengela phezulu kwendlu. Savala amafasitela, kwathi ubaba wanamathisela amaphepha ezingilazini zamafasitela, washayela amapulangwe ngezinye izipikili. Kuthe uma kuhlwa, laqala ukuna imvula enkulu. Umoya wavunguza kakhudlwana, uzwakala ukuthi unejubane.



Kuthe uma sibona amanzi eseqala ukudlula ngejubane emnyango, kwafika abasebenza kwaMasipala namasaka enhlabathi begqoke amajazi emvula. Sasingasethukile lapho, suka! Uphahla lwezwakala luklayeka, aqala ukuvuza amanzi. Kwakudlula umzuzu ube munye kuwe okuthile ophahleni.



Kwathi kusuka kwakuzwakala into iphahlazeka

ngomkhulu umsindo. Asazi ukuthi uphahla lwasuka nini, sabona selungasekho!

Sazemboza ngamasaka amnyama emakhanda, saphuma endlini sabaleka. Sasihamba sicashela izinto ezazipheshulwa wumoya. Isibhakabhaka sasilokhu sibenyezela ngenxa yombani.

Sagijima odakeni saphikelela ehholo lomphakathi. Bangingi abantu esabafica sebebuthene khona.

Ekuseni ngakusasa, kwakubonakala umonakalo wodwa ngaphandle.

Izinkukhu zethu zazingaziwa ukuthi zikuphi, inkomo nayo ibalekile.

Leso sichotho sashiya kukhalwa ezindaweni eziningi ngenxa yomonakalo. Nasedolobheni kwakuphihlizeke izinto. Saba nenhlanhla ukuthi sisinde.



Masikhulume Yenzani lendaba umdlalo.

La magama alandelayo ayincazelo yezinhlobo zezulu elinomoya:

Isichotho: wumoya onamandla olimaza yonke into

Isivunguvungu: wumoya ozungezayo, phakathi kuwo kuthulile

Inkanyamba: wumoya onenkani ophendukayo endaweni encane

Yiluphi uhlobo kulezi ocabanga ukuthi yilo oluhlasele imindeni?

Yenzeni imindeni ukuzivikela singakaqali isichotho?

Teacher:

Sign:

Date:

Masifunde

Ukunyikima komhlaba kwenzeka uma ingxenye ethile yoqweqwe lomhlaba inyakaza masinya ize ivezezele.

Lokhu kuvevezela kwakha amagagasi agijima oqweqweni lomhlaba adale ukuthi kube khona ukuvevezela kwenhlabathi nezinto ezikuwo – yikho-ke lokhu kunyikima komhlaba esiyaye sikuzwe futhi sikubone.

Ukunyikima komhlaba kuyalimaza kubulale kwenze umonakalo omkhulu nasezakhiweni.



Masifunde

Nazi izinto ezibalulekile ngokunyikima komhlaba. Hlalani ngamaqembu abahamba ngaba-4. Shintshanani ngokuthi nifunde niphimisele.

- Kunabantu abayi-10 000 abafa ngokunyikima komhlaba minyaka yonke.
- Kuyisi-8 kokuyi-10 ukunyikima komhlaba okwenzeka ezindaweni ezisondele oLwandle iPacific.
- Ukunyikima komhlaba ngaphansi kolwandle kuvame ukuholela emagagasini amakhulu agijima ngesivinini esikhulu aholela kwitsunami.
- Itsunami ihamba ibanga elide ngejubane elingaba ngama- 960 km ngehora ihamba ngaphansi kwamanzi.
- Amanye amatsunami angaphakama abe ngamamitha ayi-15.
- Itsunami enkulu kunawo wonke yenzeka zingama-26 kuDisemba 2004.
- Yalimaza amazwe ayi-11 asondelene nolwandlekazi i-Indian.
- Kwaba nenye ngomhla ziyi-11 kuMashi 2011 eJaphani.
- Ukufa kungavinjwa uma abantu bebanohlelo lwezinhlekelele zokuzamazama komhlaba. Bangakha izakhiwo ezishibekela ezinhlangothini uma



kunokuzamazama komhlaba kunalezo ezidilikayo.

- Kungavikeka ukufa kwabantu uma bengahlala bekulindele ukunyikima komhlaba, noma uma bengakha izakhiwo ezivuma ukutenga kunokuphihlaka.
- Ngomhla zingama-29 kuSeptemba 1969 kwaba khona ukunyikima komhlaba okwakhahlameza iCeres, iTulbagh kanye neWolseley eNtshonalanga Kapa.
- Ukunyikima komhlaba okukhulu kangako akuvamile kuleli laseNingizimu Afrika.
- ITheku, uMgungundlovu kanye neKapa ngamadoloba aseNingizimu Afrika lapho ukunyikima komhlaba kwenzeka kambalwa khona.
- Kusukela ngoFebhuwari ngowe-2010 isifunda sase-Augrabies eCharthorn Cape sesihlaselwe izikhashana eziningana wukunyikima komhlaba okuncane. Kuneziteshi ezibhekene nokunyikima komhlaba ezingama-26 eNingizimu Afrika ezimsebenzi wazo ngukusiqwashisa ngezangozi zokunyikima komhlaba.



Masenzi lokhu

Buka ibalazwe lomhlaba. Bhala lokhu okulandelayo ebalazweni.

- 1 Ulwandlekazi lapho kunokunyikima komhlaba okwenzeka khona.
- 2 Isifunda lapho kwaba netsunami enkulu khona ngoDisemba 2004.
- 3 Izwe lapho itsunami yahlasela khona ngomhla ziyi-11.
- 4 Idolobha eNyakatho Kapa eliyaye libe nokunyikima komhlaba.
- 5 Elilodwa emadolobheni aKwaZulu-Natali eliyaye libe nokunyikima komhlaba.
- 6 Indawo eCharthern Cape enohlobo oluncane lokunyikima komhlaba.



Ungalifaka imibala lonke ibalazwe ngamakhrayoni.



Teacher: _____
 Sign: _____
 Date: _____

Izilwane ezisisizayo: isingeniso

Amasonto 6

IThemu 4



Masikhulume

Buka lezi zithombe ubone ukuthi ziwusizo kanjani lezi zilwane.



Masifunde

Kudalo, abantu baqala ukusebenzisa izikhumba zezilwane ukwakha izingubo zokuzivikela emoyeni kanye nasemakhazeni.



Kamuva bathola ukuthi bangawusebenzisa uvolo ovela ezimvini nakwezinye izilwane ukwakha izingubo. Lezi zingubo zazithe ukuba lula nokuba ngcono kunezesikhumba. Kamuva bathola ukuthi bangawusebenzisa uvolo ovela ezimvini nakwezinye izilwane ukwakha izingubo.



Sisebenzisa izikhumba zezilwane ezahlukahlukene sakhe izinto ezifana nezikhwama, izikhwama zemali kanye nezicathulo.



Ezinkulungwaneni ezedlule zeminyaka izilwane zaziyimidlwembe. Eminyakeni eminingi izilwane ezifana nezinja, amakati, izimvu, amahhashi nezinkomo kwayeka ukuba yimidlwembe. Namuhla izilwane zasepulazini zinemikhiqizo eminingi ezisinika yona.



Iminenke kasilika isipha usilika, ezenza ngawo indwangu ekhethekile nethambile.



Teacher: _____
 Sign: _____
 Date: _____

Izinyosi zisinika ukudla nezingubo

Masifunde



Izinyosi zenza uju nekhhekheba lezinyosi bese zisiza abalimi ukukhiqiza izithelo. Izinyosi zihlala ezidlekeni zazo. Ezinye zezinyosi ziyahamba ziyolanda impova (ipholeni) nompe (inekttha) ephuma ezimbalini.

Lokhu ziyakuthatha zikuyise esidlekeni sezinyosi.

Umpe luphiwa izinyosi ezincane, bese kuthi umpe kwenziwe ngalo uju oludliwa yizinyosi ezindla. Izinyosi zigcina uju nempova ekhekhebeni loju.

Ikhhekheba loju lenziwa ngamafushana asakhandlela aphuma emzinjeni wezinyosi.



Abafuyi bezinyosi bona baqoqa uju olungakwazi ukusetshenziswa yizinyosi njengokudla. Uju lunempilo futhi siludla nesinkwa noma ngephalishi.

Sisebenzisa amafutha ezinyosi ukwenza imikhiqizo eyahlukahlukene njengalena:

- amakhandlela
- insipho
- izimonyo
- okokuvikela isikhumba
- upholishi wemikhiqizo yesikhumba njengezicathulo.
- amakhrayoni
- upholishi wefenisha



Izinyosi ziwusizo kakhulu nazo kithi, njengoba zilekelela izitshalo eziningi zabalimi ukuthi zenze ukudla okusha kanye nembewu entsha, ziphinde ziveze izithelo okumila kuzo ezinye izitshalo futhi.

Cishe izingxenye ezintathu zokudla esikudlayo ziyazusa uma izinyosi zithutha imbewu ezitshalweni. Okukodwa kokuthathu ekudleni esikudlayo kwakheka uma izinyosi nezinye izinambuzane zithungatha umpe. Kumele uziqaphele izinyosi. Uma zikuntinyela kuba buhlungu kakhulu.



Masibhale

Ngabe lawa mazwi aliqiniso noma aliphutha? Beka uphawu (✓) esikhaleni esifanele. Uthisha wakho uzokunika izimpendulo.

	liQiniso	yiPhutha
Udosi lwenyosi alubhulungu.		
Izinyosi ziyayisakaza impuphu yezimbali ngenkathi zindiza.		
Abalimi bantshontsha uju eziludingayo izinyosi.		
Izinyosi zoju sezijwayele ukuhlalisana nabantu.		
Uju luwushevu uma lufakwa ekudleni okushisayo.		
Isitaputapu sezinyosi siyazicwebezelisa izicathulo.		
Isitaputapu sezinyosi asiwavimbi amanzi angangeni ezicathulweni.		
Uju luyababa.		
Uma izinyosi sezilwenzile uju ziyasichitha isitaputapu.		
Izinyosi ziyanda manje ngenani.		

Teacher: _____
 Sign: _____
 Date: _____

Izinkukhu zisinika ukudla nezingubo



Masifunde

Izinkukhu zingaphansi kweqembu lezilwane ezibizwa ngokuthi iPoltri.

Lezi yizilwane ezinamaphiko esezibajwayele abantu.


Sithola amaqanda, inyama kanye nezinsiba ezilwaneni ezinamaphiko ezifuywayo. IPoltri ixube izinkukhu, amakalikuni namajuba, izinkwali, kanye nezinyoni zamanzi njengamadada namahansi.

ENingizimu Afrika kunezinkukhu ezingama-950 ezigidi ezikhiqizwa minyaka yonke zikhiqizelwa amaqanda nenyama. Abantwana baseNingizimu Afrika abenza ibanga lesi-3 bangaphindwa ka-1000 ukufinyelela kuleli nani.



Masikhulume

Bheka lezi zithombe bese uxoxa nomngani wakho ngazo. Yiziphi ezisipha amaqanda esiwadlayo?





Masibhale



Buka lezi zithombe bese ukokelezela ukudla esikuthola ezinkukhwini. Manje bheka ukudla okusala ngaphandle usho ukuthi kuvela kuziphi izilwane.



Masenzi lokhu

Khetha uhlobo lwenyoni ongayenza ngokuhlanganisa amaphepha. Bheka imibalabala eyahlukahlukene

kanye nokuma kwamaphiko ayo. Bheka umzimba wayo futhi ubheke nezitho ezahlukene zomzimba wayo. Khetha ukuthi yikuphi ofuna ukukugqamisa.



Masiqhubeke

- Zelule njengeqhude uma lizilungiselela ukukikiliga.
- Shaya futhi ubhakuze amaphiko njengezinyoni ezahlukahlukene.
- Hamba njengezinhlolo ezahlukahlukene zezinyoni.
- Zihlukaniseni ngamaqembu amabili.
- Iqembu elilodwa eloheshane elinye iqembu elamazinyane. Oheshane bagijima benze izikokela ezinkulu bevule amaphiko, bezama ukuhlwitha amachwane. Amachwane abalekela esikhukhukazini esingunina. Shintshanani ngokulingisa.



Teacher: _____
 Sign: _____
 Date: _____

Izinkomo zisinika ukudla nezingubo




Masifunde

Luelaphi ubisi lwethu?

Ngabe uyazi ukuthi ubisi lufika kanjani emakhaya ethu?






Make sifunde lokhu ngalo.



Masikhulume

Buka lezi zithombe bese uxoxa nomngani wakho ngazo.

Indlela esithola ngayo ubisi





Masikhulume

Usuku:

Ukusenga akukuphela kwento esiyenza enkomeni. Yiziphi ezinye izinto esizithola ezinkomeni? Wena neklasi bukani uhlu lwakho.



Masenzeni lokhu

Efreyimini ngayinye, dweba umkhiqizo owenziwe ngobisi. Bhala igama lomkhiqizo ngezansi kwesithombe ngasinye osidwebayo.

Empty box with a pink border and a horizontal line at the bottom.

Empty box with a yellow border and a horizontal line at the bottom.

Empty box with a green border and a horizontal line at the bottom.

Empty box with a cyan border and a horizontal line at the bottom.




Empty box with a red border and a horizontal line at the bottom.

Empty box with a blue border and a horizontal line at the bottom.

Empty box with a purple border and a horizontal line at the bottom.

Empty box with a yellow border and a horizontal line at the bottom.



Clipboard with fields for Teacher, Sign, and Date.

Izimvu zisinika ukudla nezingubo



Masifunde

Uvolo

Uma kudlula ubusika, izimvu azibudingi uboya bazo obuluqginsi ukuzigcina zifudumele. Ngakho-ke lesi yisikhathi esihle kakhulu sokuzigunda! Uboya bemvu sibusebenzisela izinhlobonhlobo zezimpahla zokugqoka ezisifudumezayo. Sikwazi ukweluka amajezi ngewuli, futhi siyakwazi ukusebenzisa iwuli ukwenza izindwangu ezithambile, ezifudumele.

Sinezinhlobo eziningi zezimvu eNingizimu Afrika; uhlobo olubaluleke kakhulu yiMerino, yiBlinkhaar-ronderib Afrikaner, iDorper kanye neDormer. Isithombe esikuleli khasi siyaziveza ukuthi zinjani.



Uhlobo lwemvu yeMarino luningi eNingizimu Afrika.



IBlinkhaar-ronderib Afrikaner iluhlobo lwemvu yaseNingizimu Afrika. Iqinile, ihlala iphile kahle ngisho nasesimweni esingesihle.



IDorper yimvu etholakala eNingizimu Afrika

IDormer itholakala eNingizimu Afrika. Iwuli yayo ithanda ukuqina.



Siwenza kanjani uvolo

1. Umlimi nabasizi bakhe bagunda izimvu ngesandla noma ngomshini.



2. Uvolo ubekwa etafuleni uhlelwe ngobude nokuthi muhle kanjani.



3. Uvolo uyelulwa bese wenziwa amabhele.



4. Uyawashwa ukuze uhlanzeke.



5. Uyaphothwa.



6. Uphinde songwe, welulwe, welukwe.



7. Manje sewulungele ukwenziwa indwangu.



8. Ufakwa udayi.



9. Wenziwa iwuli enganithwa ibe amajezi.



10. Amajezi asezothengiswa ezitolo.



Masikhulume

Xoxa nomngani wakho. Yiziphi ezinye izinto izimvu ezinokusisiza ngazo thina bantu?

Masidlale

- Uthisha wakho uzokuf undisa ukudlala ikhilikitshi yabancane.

Teacher: _____

Sign: _____

Date: _____

Izinja ziyasisebenzela

63

Amasonto 8

Ithemu 4



Qhathanisa

Izinja eziningi zingabangani babantu, zihlala nathi emakhaya. Empeleni kunemisebenzi eminingana eziyenzayo. Dweba umugqa uqondaniseinja nomniniyo.



Izinja zamaphoyisa zihogela izidakamizwa zilandele umkhondo wezigebengu ukusiza amaphoyisa.



Izinja ezihola abantu zibakhombisa indlela abantu abangaboni.



Izinja zezimvu ziyelusa zenze izimvu ukuthi zingahlukani.



Izinja eziqaphayo zivimba izigebengu.

Izinja ezingelayo zitholela abazingeli izinyoni nezinyamazane.






Masenzi lokhu

Yenza isithombe esiyisithunzi somngani womuntu oyinja.

Usuku:

Udinga lokhu:

- iphepha eliyimibala emibili engafani
- isikele
- ipensela
- iglu



- Dwebainja enkulu kwelilodwa lamaphepha. Qiniseka ukuthi isithombe sigcwalisa lonke iphepha.
- Sewungayisikainja yakho uyikhiphe ephepheni.
- Yinamathisele manje kuleli elinye iphepha.
- Dweba amehlo enja, ufake ikhala nomlomo namazinyo ngamakhrayoni.
- Hlobisa isithombe sakho ngendlela oyithandayo. Khumbula ukuthi umbala omnyama nowolintshi iyafanelana, isebenza kahle ukwenza isithombe sibe nesigqi.



Izimbongolo ziyasisebenzela



Masifunde

Izimbongolo zaqala ukusiza abantu eminyakeni eyizinkulungwane eziyisi-6 edlule. Zithwala abantu emhlane nezinto zabo ezisindayo. Ziyalima emasimini. Ziphampa amanzi.

Zonke lezi zinto zisenzeka nanamuhla. Kunezimbongolo eziyizigidi ezingama-41 emhlabeni. Lokhu kusho ukuthi ingane nengane eNingizimu Afrika ingaba nezimbongolo ezintathu iyinye.



Masibhale

Bheka izithombe bese ubhala umsho ngesithombe ngasinye usho ukuthi isetshenziswa kanjani imbongolo.













Birthday Wheel:

Cut out the two circles and the wedge shape. Put the top and bottom together using a split pin. Write the birthdays of your family and friends in the correct months on the birthday wheel.

On the back you can write the months in your first language.



*Birthday Wheel:
Write the 12 months on the
dotted white line.*



Step 1: Cut all around on the black line

DEF

Four vertical writing cards on a purple background. Each card has four horizontal lines and a blue telephone icon with an envelope icon above it on the right side.

Step 2: Fold on the dotted line

OPQR

Four vertical writing cards on a red background. Each card has four horizontal lines and a blue telephone icon with an envelope icon above it on the right side.

ABC

Step 3: Fold on the dotted line

Step 5: Cut off on the yellow line


Four vertical writing cards on a teal background. Each card has four horizontal lines and a blue telephone icon with an envelope icon above it on the left side.


Step 4: Staple your book in the middle

STUV

Four vertical writing cards on a blue background. Each card has four horizontal lines and a blue telephone icon with an envelope icon above it on the left side.

KLMN












GHIJ











WXYZ









My Telephone and Address Book



This book belongs to:
